

淮南集證

一
五
十
冊

淮南內篇集證卷十九

北平劉家立纂

脩務訓

脩勉務趨聖人趨時冠敝弗顧履遺不取必用仁義之道以濟萬民故曰脩務因以題篇

○陶氏曰此篇高注

或曰。無爲者。寂然無聲。漠然不動。引之不來。推之
往。如此者。乃得道之像。注或人以爲先爲術如此乃
可謂得道之法也。吾以爲不然。嘗試聞之矣。注以爲
不如或人之言。嘗聞之於聖人矣。若夫神農堯舜禹
湯可謂聖人乎。有論者必不能廢。注言五人可謂聖
人邪。有論者何能廢其道也。以五聖觀之。則莫得無
爲明矣。注言不得無爲也。古者民茹草飲水。采樹木

之實。食羸蛇之肉。時多疾疹毒傷之害。注害患也。王氏

曰。今本疾病本作疾疹。後人誤讀瘡疹字。卽疾疾之疾。疹二字爲不類。故改爲疾病。不知此疹字卽疾疾之疾。

非瘡疹之疹也。小雅小弁篇及左傳成六年哀五年襄二十三年左傳季孫之愛我疾疾也。呂覽長見篇

注引此。疾作疹。文選思玄賦思百憂以自疹。後漢書張衡傳作疾。小雅小宛釋文引韓詩云疹苦也。越語

云疾疹。貧病是疹。與疾同也。釋文並云疾或作疹。廣雅音云疾疹。今疹字也。史記貨殖傳正義御覽皇王資

產鱗介三部。引此。於是神農乃始教民播植五穀。注並作疾疹。是其證。

五穀菽麥黍稷稻也。相土地之宜。燥濕肥瘠高下。注

相視也。燥乾也。瘠埆也。高陵也。下濕也。嘗百草之滋

味。水泉之甘苦。令民知所避就。當此之時。一日而七

十毒。注此神農之所爲也。王氏曰。今本作遇七十毒。遇字後人所加。御覽皇王

資產百卉三部。及冠宗爽本草衍義。序例引此無遇字。路史禪通紀同。堯立孝慈仁愛。

使民如子弟。注言雖役使其民必加仁愛遇之如己
之子弟也。西教沃民。東至黑齒。北撫幽都。南道交趾。
注沃民西方之國。黑齒東方之國。陰氣所聚。故曰幽
都。今雁門以北是交趾。南方之國四者。遠裔不覩聖
人之化。故親往行教導撫之。以仁義也。放謹兜於崇
山。竄三苗於三危。注放棄也。謹兜。堯佞臣。崇山。南極
之山。三苗。蓋謂帝鴻氏之裔子渾敦。少昊氏之裔子
窮奇。緡雲氏之裔子饕餮。三族之苗裔。故謂之三苗。
三危。西極之山。一曰放三苗國民於三危也。流共工
於幽州。殛鯀於羽山。注堯時有共工。官鯀。禹父。爲治
水。績用不成。堯殛之。羽山東極之山。是堯之爲也。洪

範曰鯀則殛死然則渾敦窮奇饕餮生至四裔可知

舜作室築牆茨屋辟地樹穀令民皆知去巖穴各有

家室南征三苗道死蒼梧注三苗之國在彭蠡舜時

不服故往征之書曰舜陟方乃死時舜死蒼梧葬於

九疑之上在蒼梧馮乘縣東北零陵之南千里也禹

沐霽雨櫛扶風注禹勞力天下不避風雨以久雨爲

沐浴扶風疾風以疾風爲梳櫛也王氏曰沐下本無

浴而誤行劉本又於櫛上加梳字以對沐浴尤非

文類聚帝王部御覽皇王部文選謝朓和王著作八

公山詩注引此皆無浴字莊子陶氏曰御覽九引許

疾風此卽淮南所本今據刪○

注曰扶風奔風扶乃疾字藝文類聚引作櫛疾風是

許本也周禮考工記忿執以奔注奔猶疾也莊子正

作疾風許作疾風與高作扶風正異

覽冥篇降扶風高注扶風疾風也

決江疏河注決

巫山令江水得東過故言決疏導東注於海故言疏
鑿龍門。闢伊闕。注龍門本有水門。鯨魚游其中。上行
得上過者。便爲龍。故曰龍門。禹闢而大之。故言鑿伊
闕。山名。禹開截山體。令伊水得北過。入雒水。故曰闕
也。脩彭蠡之防。乘四載。隨山。栒木。平治水土。定千八
百國。注脩治也。彭蠡澤名。在豫章彭澤縣西。防隄也。
四載。山行用藁水。行用舟。陸行用車。澤行用蓀。隨循
也。栒。刊石識之。四海之內。凡萬國。禹定千八百國。是
禹之爲也。湯夙興夜寐。以致聰明。輕賦薄斂。以寬民
氓。注早起夜寐。以思萬事。能得其精。故曰以致聰明。
寬猶富也。野民曰氓。布德施惠。以振困窮。弔死問疾。

以養孤孀。

注幼無父曰孤。孀寡婦也。維家謂寡婦曰

孀婦。百姓親附。政令流行。乃整兵鳴條。困桀南巢。譙

以其過。放之歷山。

注鳴條地名南巢。今廬江居巢是

譙。責謂讓夏桀之罪過也。歷山蓋歷陽之山。是湯之

爲也。此五聖者。天下之盛主。勞形盡慮。爲民興利除

害而不懈。

注懈惰也。奉一爵之酒。不知於邑。注言其

輕也。挈一石之尊。則白汗交流。

注言其重也。又況羸

天下之憂。而任海內之事者乎。其重於尊亦遠矣。注

遠猶多也。且夫聖人者。不恥身之賤。而愧道之不行。

不憂命之短。而憂百姓之窮。是故禹爲水。以身解於

陽盱之河。

注爲治水解禱以身爲質。解讀解除之解。

陽盱河在秦地湯苦旱以身禱於桑林之際注桑山

之林能興雲致雨故禱之

王氏曰今本湯之旱蜀志注齊民要術序文選注並

引作湯不可言爲御覽引作湯者是也禹爲水湯苦旱相對

爲文今本禹下衍之字湯下又脫苦字耳桑山之林

蜀志齊民要術文選引作桑林之際御覽引作桑林

之下按主術篇曰湯以身禱於桑林之際則作際者是也今本乃涉注文而誤注即解桑林二字呂覽順

民篇湯乃以身禱於桑林高聖人憂民如此其明也

而稱以無爲豈不悖哉注悖謬也且古之立帝王者

非以奉養其欲也聖人踐位者非以逸樂其身也注

逸安也爲天下強揜弱衆暴寡詐欺愚勇侵怯懷知

而不以相教積財而不以相分故立天子以齊一之

注齊等一同也爲一人聰明而不足以徧照海內故

立三公九卿以輔翼之。注輔正也翼佐也絕國殊俗僻遠幽閒之處。不能被德承澤。故立諸侯以教誨之。注絕遠殊異能猶及也立置也以爲遠國君也是以地無不任。時無不應。官無隱事。國無遺利。注言官無隱病失職之事以利民故無所遺忘也所以衣寒食飢。養老弱而息勞倦也。若以布衣徒步之人觀之。則伊尹負鼎而干湯。注伊尹處於有莘之野執鼎俎和五味以干湯欲調陰陽行其道也詩云實惟阿衡。實左右商王是也。呂望鼓刀而入周。注呂望姜姓四岳之後四岳佐禹治水有功賜姓曰姜氏呂望其後居殷爲屠於朝歌自殷而往故曰鼓刀入周爲文王太

師佐武王伐紂成王封之於齊也。百里奚轉鬻。注百

里奚虞臣自知虞公不可諫而去轉行自賣於秦爲

穆公相而秦興也。管仲束縛。注管仲傳相齊公子糾

不死子糾之難而奔魯束縛以歸齊桓公用之而霸

也。墨子無黔突。孔子無煖席。注黔言其突竈不至於

黑坐席不至於溫歷行諸國汲汲於行道也。蔣氏曰後漢書

蘇竟傳注作孔席不煖墨突不黔杜詩亦云賢有不黔突聖有不暖席今本孔墨二字誤倒當互易之莊

氏謂突當作突鑿矣是以聖人不高山不廣河蒙恥辱以干世

主者非以貪祿慕位欲事天下之利而除萬民之害

也。注聖人蓋謂禹稷不以山爲高不以河爲廣言必

踰渡之事治也。王氏曰事起天下利本作事天下之利故高注云事治也今本利上脱之

除字。事下有起字。則後人依文子不當有起字。蘇文類聚

天下人部。御覽人事部引此并作欲事。蓋聞書傳曰。神農

憔悴。堯瘦臞。舜儵黑。禹胼胝。由此觀之。則聖人之憂

勞百姓甚矣。注甚重也。故自天子以下至於庶人。四

肢不勤。思慮不用。事治求贍者。未之聞也。夫地勢水

東流。人必事焉。然後水潦得沿行。注水勢雖東流。人

必事而通之。使得循沿而行也。俞氏曰。今本沿字作

東流。豈必循谷而行。義不可通。谷乃沿字之誤。沿字

缺壞止存右畔之止。因誤爲谷耳。荀子禮論篇楊倞

注沿循也。然則沿行者禾稼春生。人必加功焉。故五

穀得遂長。注加功謂是薰是蒸。耘耔之也。遂成也。聽

其自流。待其自生。則鯨禹之功不立。而后稷之智不

用若吾所謂無爲者私志不得入公道嗜欲不得枉

正術循理而舉事因資而立功推自然之勢而曲故

不得容也注曲故巧詐也王氏曰因資而立下脫一

資而立功立功與舉事相對爲文汎論篇曰聖人論篇曰聖人隨

時而動靜因資而立功說林篇曰聖人者隨時而舉

事因資而立功皆其證也權自然之勢當依文子作

推自然之勢字之誤也原道篇曰天下之事不可爲

也因其自然而推之主術篇曰推不可爲之勢而不

循道理之數高注曰推行也今本推作權則非其指

矣今改故事成而身弗伐功立而名弗有注伐自矜大

其善不名其有功也補入是也故字脫成字劉依文子

誤也故事成而身弗伐功立而名弗有乃非謂其感

結上之詞劉不審文義而刪去成字誤矣

而不應故而不動也王氏曰今本攻當爲故今迫字

迫也徐鍇曰迫猶切近也玉篇曰故附也是古迫迫

字本作故今諸書皆作迫未必非後人所改也此迫

字

淮南集證卷十九

六中華書局聚

字若不誤為攻則後人亦必改為迫矣。若夫以火爇井以淮灌山此用

己而背自然故謂之有為。注火不可以爇井淮不可

以灌山而已用之非其道故謂之有為也。若夫水之

用舟沙之用𦵏泥之用輶山之用藁。家立按沈乙盦曰道藏本作沙

之用鳩茅本作沙之用肆肆乃𦵏字之譌齊俗篇譬若舟車楮𦵏彼注云沙地宜𦵏即是據此為說文子

自然篇云沙用𦵏後人少聞𦵏字即與此同惟呂覽情勢篇云沙用鳩後人少聞𦵏字即與此同惟呂覽情勢篇

覽傳聞異辭也無夏瀆而冬陂因高為山因下為池此

非吾所謂為之。注此皆因其宜用之故曰非吾所謂

為言無為也。王氏曰今本山作田字之誤也因高為山所謂為高必因上陵也若田則有高

原下濕之分不得但言因高矣文改聖人之從事也殊

體而合於理。注殊異體行理道也其所由異路而同

歸其存危定傾若一志不忘於欲利人也何以明之

昔者楚欲攻宋墨子聞而悼之注墨子名翟宋大夫

悼傷也自魯趨而往注自從趨走也王氏曰今本趨而下脫往字北

堂書鈔衣冠部御覽工部引此皆有十日十夜足

重繭而不休息裂裳裹足至於郢注郢楚都今南郡

江陵七郢是也王氏曰今本裂下衍衣字舊本北堂書鈔及御覽服章部引此皆無衣字

呂覽同後漢書郢惲傳注引史記亦云申包見楚王

曰臣聞大王舉兵將攻宋計必得宋而後攻之乎忘

其苦衆勞民頓兵剄銳負天下以不義之名而不得

咫尺之地猶且攻之乎注頓罷剄折銳精攻無罪之

宋故負天下以不義之名猶且必攻也王氏曰頓兵剄銳漢魏叢

書本改劉爲挫。而莊本從之。非也。道藏本劉本並作劉。御覽工部引此。亦作劉。則舊本皆作劉。明矣。說

文劉折傷也。莊子山木篇呂覽必己篇並云。廉則劉。高注呂覽云。劉缺傷也。經傳或作挫。挫者。借字耳。後人

多見挫。少見劉。遂改劉爲挫。謬矣。高注本訓劉。王曰。爲折。今本折上有辱字。亦後人所加。今刪去。王曰。

必不得宋。又且爲不義。曷爲攻之。墨子曰。臣見大王

之必傷義而不得宋。王曰。公輸天下之巧工。作爲雲

梯之械。設以攻宋。曷爲弗取。注公輸魯般號時在楚

雲梯攻城具。高長上與雲齊。故曰雲梯。械器也。設施

也。墨子曰。令公輸設攻。臣請守之。於是公輸般設攻

宋之械。墨子設守宋之備。公輸九攻而墨子九拒之。

終弗能入。於是乃偃兵。輟不攻宋。注入猶下也。輟止

也。段干木辭祿而處家。魏文侯過其閭而軾之。注閭

里周禮二十五家爲閭。軾伏軾敬有德也。曲禮曰：軾視馬尾。又曰：兵車不軾，尚威武也。其僕曰：君何爲軾？文侯曰：段干木在，是以軾。其僕曰：段干木布衣之士，君軾其閭，不已甚乎？文侯曰：段干木不趨勢利，懷君子之道，隱處窮巷，聲施千里，寡人敢勿軾乎？注：聲名也。施行也。勿，無也。干木光於德，寡人光於勢。干木富於義，寡人富於財。勢不若德尊，財不若義高。干木雖以己易寡人，不爲。注：使以干木之賢易寡人之尊，不肯爲之也。吾曰：悠悠慚於景，子何以輕之哉？注：景，形影也。其後秦將起兵伐魏。司馬庾諫曰：注：庾，秦大夫也。或作唐。

盧氏抱經曰：新序司馬唐且呂覽無且字。乃後人誤加也。唐且是魏人。此秦者非其。

人也。古今人表有司馬庚。段干木賢者。其君禮之。天下莫不知。諸

侯莫不聞。舉兵伐之。無乃妨於義乎。於是秦乃偃兵。

輟不攻魏。夫墨子跌蹠而趨千里。以存楚宋。注跌蹠

疾行也。趨走也。王氏曰。書傳無訓。跌為疾行者。跌當作跌。注當作跌。蹠疾行也。趨走也。今

本跌字。誤作跌。注內蹠字。又誤在趨走也。之上。廣雅

駢奔也。趨疾也。駢趨並與跌通。玉篇跌疾也。下文廣雅

也。蹠步高。彼注云。跌趣也。是疾行為跌也。說文。蹠蹠

也。漢書武帝紀。馬或奔蹠而致千里。蹠亦奔也。蹠蹠

古字通。是疾行又為蹠也。合言之。則曰跌蹠。古馬之

善走者。謂之駢蹠。駢蹠之。言跌蹠也。疾行謂之跌蹠。

故曰跌蹠。而趨千里。段干木闔門不出。以安秦魏。夫行與止也。其勢相反。而皆可以存國。此所謂異路而同歸者也。注異路。謂行與止也。同歸。謂歸於存國。今夫救火者。汲水而趨之。或以甕瓴。陶氏曰。史記集解。高祖本紀。引許注曰。瓴甕似餅者。與說